




25 қазан Республика күні

Топ: “Күншуақ”

Тәрбиеші: Алдабергенова Ж

25 - қазан Республика күніне арналған тәрбие сағаты

Республикам менің (Қазақстан еліне саяхат)

Мақсаты: Оқушыларды туған жерін, туған елін, халқын ардақтап өтуге үйрету. Бақытқа жетер даңғыл жолдың бірі - туған Отанды сүйуден басталатынын түсіндіру.

Отанға деген патриоттық сезімдерін ояту.

Көрнекілік: Қанатты сөздер ілу. Ту, Елтаңба, ұлы тұлғалардың суреттерін ілу.

Адам шыр етіп дүниеге келгенде, кіндік қаны тамған жерін – Отан дейді. Әрбір адамда Отанға, туған жерге деген ыстық сезім, үлкен махаббат болады. Алысқа жолаушылап кетіп, туған жеріне оралған сәтте тауы да, тасы да саған ыстық болып тұрады. Адамзаттың парызы - туған Отанын гүлдендіріп, сақтап, ұрпақтан ұрпаққа жеткізу.

Ұлы ағартушы, халқымыздың рухани көсемі А. Байтұрсынов: «Балам деген жұрт болмаса, жұртым дейтін бала қайдан өссін» деген екен. Біз сіздерге тек перзентіміз емес, еліміздің ертеңі, нұрлы болашағы деп қараймыз. Мұхаммед Пайғамбарымыз «Жастық шақта алған білім - тасқа ойылған нақыш» деген екен. Ендеше сендер бала кезден бастап терең білім меңгеруге тиіссіндер. Туған еліміздің биікке ұшар сұңқары, бәйгенің алдын бермес тұлпары болындар дегім келеді.

ӘНҰРАН

Егеменді еліміз жер бетіндегі басқа мемлекеттермен терезесі тең, өркениетті ел ретінде танылып өзінің Елтаңбасын, Туын, Әнұранын белгіледі. Осы бір қасиетті белгілердің мәнін әрбір ұрпақ терең түсініп, оны қастерлей білу керек.

Мақтансаң мақтан елім деп,
Тани біл, елдік таңбаңды.
Елтаңба, Туың, Әнұран -
Шырқатты биік арманды.
Тәуелсіздікке тән белгі -
Қасиетті осы рәміздер -
Еліме рух, мән берді,
Иесі оның – мына біздер.

Қанекей балалар Еліміздің еркіндігін айқындап тұрған Мемлекеттік рәміздерді атайықшы.

Балалар: Ту, Елтаңба, Әнұран.

Жарайсыңдар, балалар. Ендеше сол рәміздерге тоқталып, түсіндіріп өтейін, мұқият отырып тыңдаймыз.

Мемлекеттік ту - алтын күн алаулаған зеңгір көк аспан түстес. Сол зеңгір аспанның аясында баяу қалықтаған дала бүркіті. Арман арқалаған алтын бүркіт

қазақтың қыран көңілін шырқау биікке алып шыққандай көрініс береді. Мемлекеттік туды даралайтын тағы да бір белгісі - оның сабына таяу тік тартылған ұлттық өрнекті қошқар мүйіз жолақ. Ол - көшпелі әлемнің, дарқан дал рухының тынысы. Ту ортасындағы алтын күн - халқымызға нұр болып шапағатын шашып тұр. Алтын күнді қанатымен жебеп, өрге көтеріп, ұшып бара жатқан ақиық қыран құс - ерліктің белгісі. Туымызды қастерлеу - халқымызды қастерлеу.

Елтаңба - әлемде сирек кездесетін Елтаңба. Қазақ өмірінің ұлы белгісі шаңырақтан тараған. Таң шапағындай уықтар арасындағы ай мүйізді, алтын қанатты ғажайып пырақтар халқымыздың болашаққа ұмтылған асқақ арманының бейнесіндей болып көрінеді. Қос пырақ ортақ шаңырақты қанатымен қорғап тұр. Қанат - асқақ арман нышаны. Ел белгісінде көк аспан, шаңырақ, жарық жұлдыз, қанатты тұлпар, бидай сабақтары бейнеленген. Аспан көк - кеңшілік, тыныштық, биіктік белгісі.

Мемлекеттік Әнұран - еліміздің музыкалық поэтикалық эмблемасы, әдеби сазды төл құжаты. Ол халық жүрегінің лүпілін тұмар ғып түйген музыкалық сәлем хат сынды.

1. 1992 жылы маусым айының 4 - інде қабылданған Қазақстан Республикасының нышандары - мемлекеттік туының авторы кім? (Суретші - Шәкен Ниязбеков)
2. «Қазақстан» дейтін Отан - Анамыздың Елтаңбасының авторы кім? (Сәулетші Жандарбек Мәлібеков және әйгілі суретші Шота - Аман Уәлиханов)
3. Әнұран авторын білесің бе? (Әнін жазған Шәмші Қалдаяқов. Сөзін жазған Жүмекен Нәжімеденов және қосымша түзетілген нұсқау авторы Президентіміз Н. Ә. Назарбаев)

Қазақстан тұңғыш Президенті Н. Ә. Назарбаев - достықтың, бірліктің, бауырмалдықтың туын берік ұстап, Қазақстанды әлемге паш етіп отырған, ғасыр куәсі болған тұлға. Қазақ топырағы киелі. Сонау зеңгір көкпен таласып, Алатау баурайында Үшқоңыр биіктері мен мұңдалап қол бұлғайды. Қаскелең тауынан бастау алып, қар суымен толысып, сай - салаға бөліне еркелей Шамалған өзені ағып жатыр. Осындай табиғаты тамылжыған өлкеде, жер жаннаты Жетісудың төскейінде, Шамалған ауылында болашақ тәуелсіз мемлекетіміздің тұңғыш Елбасы дүниеге келген. 1991 жылғы 1 желтоқсаннан Қазақстан Республикасының Президенті болып келеді.

Балалар, енді осы тақырыпты толықтырып өту мақсатында дайындап келген ойын бар еді, сол ойынды ойнаймызба?

Сұрақ- жауаптар айдары.

1. 25 қазан қандай мереке? (Республика күні)
2. Еліміздің Тұңғыш президенті кім? (Нұрсұлтан Әбішұлы Назарбаев)
3. Еліміз қай жылы тәуелсіздік алды? (1991 жылы 16 желтоқсан)
4. Мемлекеттік тіліміз қандай? (Қазақ тілі)
5. Ұлттық валютамыз қалай аталады? (Теңге)
6. Мемлекеттік рәміздерді ата (Ту, Елтаңба, Әнұран)
7. Қазақстанда неше облыс бар? (14 облыс)
8. Республика сөзі нені білдіреді? (Егемен, азат)
9. ҚР астанасы қай қала? (Астана қаласы)

Қазақ елі - көп ұлтты мемлекет. Қазақстан Республикасында 130-дан астам ұлттар мен ұлыстар тату тәтті өмір сүріп жатыр. Бүгінде қазақ елі тек өз жерінде өмір сүріп жатқан қазақстандықтардың ғана емес, шет елдегі бірнеше мыңдаған қандастарымыздың да сағынып жетер туған елі, құшақ жайып қарсы алар туған Отан - анасы.

Балалар енді осы мерекеге байланысты жаттаған тақпақтарымызға кезек берейік.
(Тақпақтар)

Жарайсындар балалар ал енді көк туымызды өз қолымызбен жасап көрейікші. 1
1 топ (Балалар қиылған қағаздардан Туды жасап шығады.)

2 топ (Суға көк түсті бояу құйып Туды жасап шығады)

Мерейлі қазақ елінің Елбасы ел - жұртын, жұдырықтай жүрегіне сыйғызып, қыран қанатының астына алып, барша жұрттың теңдігін, татулық пен тыныштықты сақтауды мақсат етіп, бүгінгі қазақ елін, осы дәрежеге жеткізді. Осындай халық қамын ойлаған азаматы бар қазақ елін бүгінде әлем таниды.

Мен қазақпын әнін орындау.

Елімізде мәңгі тыныштық болсын! Сүйікті Отанымыз Азат Қазақстан мәңгі жайнай берсін, жарқырай берсін! Баршаңызға бақыт, шаңырақтарыңызға шаттық тілей отырып, бүгінгі тәрбие сағатымызды аяқтаймыз.

Назерке Қазақстан – Отаным,
Бакыт сыйлар далама.
Республика – ел тегі,
Тәуелсіздік белгісі!

2.Інкәр
Бейбіт күн мен ашық аспан –
Бізге мұра бабадан.
Республика – еркін ел,
Мақтан етер мен де сен!

3.Аяулым
Елім менің – кең байтақ,
Туын ұстап, мен биікпін.
Республика – ардақ күн,
Мерекеге толы гүл!

4.Әйгерім
Бүгін – елім қуанады,
Ән шырқалып, жыр ағады.
Республика – нұрлы күн,
Балдәуренге толы күн!

5.Қ.Әли
Тәуелсіз ел – Қазақстан,
Жайнай берсін жас ұрпақ!
Республика – нұр күнім,
Жарқыраған болашағым!

6.Нұрәли
Бүгін менің мерекем –
Жаса, Қазақстаным!
Республика — ерлік күн,
Жасай берсін Ту, Әнұран!

7.Мунира
Бірлігіммен қуатты ел,
Аспанымыз шуақты ел.
Республика — төрімсің,
Мақтанышым, елімсің!

8.Айым
Елім менің — бейбіт ел,
Ата заңмен биік ел.
Республика — асыл сөз,
Жүрегімде мәңгі кез!

9. Асқар
Бүгін менің мерекем –
Жаса, Қазақстаным!
Республика — ерлік күн,
Жасай берсін Ту, Әнұран

